

DIE MENS SE HART

(VERKORTE WEERGAWE MET PRENTE)



Hierdie boekie is jare gelede geskryf, en is tans in 481 verskillende tale beskikbaar.

Diere word gebruik om ons te herinner aan verskillende sondes wat in die Bybel uitgewys word.

Jesus wil ons ou hart en denke verander en vir ons 'n nuwe hart gee. Slegs Jesus kan ons sondes vergewe en ons help om 'n nuwe lewe te lei.

1 Johannes 3: 4-10


(aanhalings uit die Bybel, Afrikaans: 1953 vertaling)

e-pos: info@angp.co.za

ALL NATIONS GOSPEL PUBLISHERS

Posbus 2191, PRETORIA, 0001, R.S.A.

COPIEREG AFRIKAANSE BOEK: ISBN 0-908412-05-3



DIE SONDAAR SE HART


Hierdie prent stel die hart voor van 'n wêreldse, nie wedergebore man of vrou wat in die Bybel beskrywe word as 'n sondaar.

Onderkant die kop in die prent kan die hart van 'n mens gesien word - bewoon deur verskillende soorte diere wat sinnebeelde is van die baie en verskillende sondes in die menslike hart, want die hart is die woonplek en die setel van ons sondes. God sê vir ons deur Sy profeet Jeremia: "Bedrieglik is die hart bo alle dinge, ja verdorwe is dit; wie kan dit ken?" (Jer. 17 : 9).

Die Here Jesus bevestig self hierdie woorde deur te sê: "Want van binne, uit die hart van die mense, kom die slegte gedagtes, egbreuk, hoerery, moord, diewery, hebsug, boosheid, bedrog, losbandigheid, afguns, lastering, hoogmoed, dwaasheid. Al hierdie booshede kom van binne uit en maak die mens onrein" (Markus 7 : 21 - 23).

Die waterige rooi oë praat van dronkenskap soos beskrywe in Spreuke 23 : 29 - 33:

Kyk nie na die wyn as dit rooiagtig lyk, as dit 'n glans gee in die beker, glad na binne gly nie: op die end byt dit soos 'n slang en spuug gif uit soos 'n basilisk. (Spreuke 23:31-32)



DIE VEROORDEELDE EN TOEGEWENDE HART


Hierdie prent wys die hart van 'n man wie jammer is oor sy sonde en begin soek na God.

Hier sien ons hoe die sondaar begin ag gee op die boodskap van God en sy hart oopstel vir die liefde van God. Die Heilige Gees begin skyn in die donker en sondige hart. Die lig van God bestraal Sy tempel en verdryf die duisternis. Wanneer die lig van God inkom, moet die duisternis verdwyn.

Sonde wat verteenwoordig word deur al die verskillende diere, moet vlug. Daarom, lieve leser, moet jy die Here Jesus, die Lig van die wêreld, toelaat om in jou hart te kom, en duisternis en die werke van duisternis moet die hart verlaat soos in hierdie prent voorgestel word. Die Here Jesus sê: **"Ek is die lig van die wêreld; wie My volg, sal sekerlik nie in die duisternis wandel nie, maar sal die lig van die lewe hê"** (Joh. 8 : 12).

Jou hart is voorbestem om die huis van God, die tempel van God te wees. Hy wil daarin woon, dit verfraai, dit vul met lig, liefde en vreugde.

Die Here Jesus het nie net gekom om ons sondes te vergewe nie, Hy het gekom om ons te verlos en ons vry te maak van die mag en oorheersing van die sonde. **"As die Seun julle vrygemaak het, sal julle waarlik vry wees"** (Joh. 8 : 36).



DIE BEROUVOLLE HART

Hierdie prentjie stel die hart voor van iemand wat ernstig is om in die regte verhouding met God te kom.


Terwyl hy die kruis sien wat die engel, die Woord van God, aan hom voorhou, breek dit sy nou berouvolle hart. Hy sien die groot liefde van God soos geopenbaar in Christus Jesus, en hierdie liefde versmelt sy hart, veral wanneer hy begin beseft dat Jesus Christus, die Seun van God, gekom het om sy menigvuldige sondes weg te neem waar Hy gewillig was om in sy plek aan die vervloekte kruis te sterwe.

Die liefde en vrede van God kom in sy hart in, onder die beseft dat "die bloed van Jesus Christus, Sy Seun, reinig van alle sonde" (1 Joh. 1 : 7).

"Die Here is naby die wat gebroke is van hart, en Hy verlos die wat verslae is van gees" (Psalm 34 : 19).

En weer sê die Woord van God: "Maar op hierdie een sal Ek let: op hom wat arm is en verslae van gees, en wat bewe vir My woord" (Jes. 66 : 2).

Die Heilige Gees fluister die woorde van Jesus in sy oor, "Seun (dogter), hou goeie moed, jou sondes is jou vergewe" (Matt. 9 : 2).



MET CHRISTUS GEKRUISIG


Hierdie prent praat van 'n Christen wat volmaakte vrede en verlossing ken deur die dood van onse Here Jesus Christus.

Hierdie persoon roem gevolglik in niks anders nie "behalwe in die kruis van onse Here Jesus Christus, deur wie die wêreld vir my gekruisig is en ek vir die wêreld" (Gal. 6 : 14). Die Here Jesus het aan die kruis gesterf "sodat ons die sondes kan afsterwe en vir die geregtigheid lewe" (1 Pet. 2 : 24). 'n Christen vir die wêreld gekruisig. Ons word vermaan om te "wandel deur die Gees" want dan sal ons "nooit die begeerlikheid van die vlees volbring nie" (Gal. 5 : 16,25).

Is jy besig om die Here Jesus deur woord en daad te bely, of is jy skaam om voor mense te sê wat die Here Jesus vir jou beteken? Hy het gesê: "Elkeen dan wat My sal bely voor die mense, hom sal Ek ook bely voor my Vader wat in die hemele is." (Matt. 10 : 32,33).

Die Here Jesus het ook gesê: "Wie sy kruis nie neem en agter My volg nie, is My nie werd nie" (Matt. 10 : 38).

Salig is hulle wat staan op die Rots, Jesus Christus!




DIE TEMPEL VAN GOD

Hierdie prent stel voor die gereinigde en geheiligde hart van die sondaar wat deur die oorfloedige genade van God gered is.

Die hart het nou 'n ware tempel van God geword. Sonde is uitgedrywe. In plaas van die verskillende diere wat regeer word deur Satan, die vader van leuens, sien ons die Heilige Gees, die Gees van Waarheid wat in die hart woon. Die hart wat eers die verfoeilike setel van die vlees was, het nou 'n mooi en vrugbare tuin of boom geword wat die vrugte van die Gees voortbring, soos **liefde, blydschap, vrede, lankmoedigheid, vriendelikheid, goedheid, getrouheid, sagmoedigheid, selfbeheersing, matigheid** en ander wat welbehaaglik is in die oë van God en die mens. Hy het nou 'n vrugbare loot geword van die Ware Wynstok - onse Here Jesus Christus. Die geheim van hierdie vrugbaarheid is dat hy in Christus bly en dat Christus en Sy woorde in hom bly (Joh. 15 : 1-10).

"Salig is die wat rein van hart is, want hulle sal God sien" (Matt. 5 : 8). Koning Dawid het die bitterste stryd in sy eie hart sien woed, en met 'n besef van sy diepe, innerlike behoefte het hy gebid: **"Skep vir my 'n rein hart, o God, en gee opnuut in die binneste van my 'n vaste gees"** (Psalm 51 : 12). Niemand kan sy eie hart reinig nie, of vir homself 'n rein hart skep nie; hy moet na God kom, soos Dawid, en met ware berou vra dat God vir hom 'n nuwe hart moet skep.



6

DIE BEDROEFDE EN VERDEELDE HART

Hier het ons 'n voorstelling van 'n hart wat besig is om toe te gee aan die versoeking.

Die een oog begin toegaan, 'n teken dat hierdie Christen begin verkoel het in sy geestelike lewe.


Binnekant sy hart het die lig dof geword en die tekens in sy hart wat sy gewilligheid getoon het om saam met Christus te ly, het verminder en is nie meer opreg nie. Hy is omring van versoekings waaraan hy stadigaan toegee in plaas van om hulle te weerstaan. In plaas van na die stem van God te luister, begin hy nou luister na die listige influisteringe en leë beloftes van die sieleversoeker. Hoewel hy nog 'n kerkganger is wat sy wêreldgesindheid onder 'n dekmantel van godsdiens versteek, het die liefde van God in sy hart verkoel.

Slaan ag op die waarskuwings van die Here Jesus waar Hy sê: "Waak en bid, dat julle nie in versoening kom nie" (Matt. 26 : 41).

"Daarom, wie meen dat hy staan, moet oppas dat hy nie val nie" (1 Kor. 10 : 12).

Ons moet die volle wapenrusting van God aantrek, sodat ons kan staande bly teen die aanvalle van die Satan.

(Ef. 6 : 11-18).



DIE TERUGGEVALLE OF VERHARDE HART


Hierdie prent stel die toestand van iemand voor wat weer terugkeer het na sy ou maniere ten spyte van wat God alles vir hom gedoen het.

Waar hierdie man eers goed ingelig was en gesmaak het van die hemelse gawe en deelgenoot van die Heilige Gees geword het, het hy nou weggedraai van alles af.

Wat die teruggevallene betref, die Here Jesus het sy toestand self as gevolg beskrywe: 'Wanneer die onreine gees uit die mens uitgegaan het, gaan hy deur dor plekke en soek rus; en as hy dit nie kry nie, sê hy: Ek sal teruggaan na my huis waar ek uitgegaan het. En hy kom en kry die uitgeveeg en versierd. Dan gaan hy en neem sewe ander geeste, slegter as hyself, en hulle kom in en woon daar; en die laaste van daardie mens word erger as die eerste" (Lukas 11 : 24-26).

"Maar oor hulle het gekom wat die ware spreekwoord sê: Die hond het omgedraai na sy eie uitbraaksel, en die gewaste sog om te rol in die modder" (2 Pet. 2 : 22).

Maar as jy voortgaan om jou hart te verhard, en as jy die duisternis liever het as die lig, is daar geen hoop, geen hulp nie, want dan kies jy die dood in plaas van die lewe - **"want die loon van die sonde is die dood" (Rom. 6 : 23).**



DIE SONDAAR SE OORDEEL


Hier het ons die hardkoppige sondaar wat altyd uitstel, en nie sy hart vir God wou oopmaak nie.

Die bedrieglike genietinge van die sonde het verbygegaan, maar die vreeslike werklikheid, die verskriklike loon van die sonde moet nou onder die oë gesien word. Die smarte van die hel begin toesak oor die slagoffer. Hoewel hy daarna smag om te bid, vind hy dat die gemeenskap met God wat hy so lank verwaarloos het, nou onbereikbaar is. Sy vroeëre vriende is bang om by sy bed te staan, en buitendien kan hulle holklinkende trooswoorde hom nou ook nie help nie. Sy onregverdig bekomde winste kan sy lewe nie verleng nie, nog minder sy siel red, nog minder sy sieleangs verminder.

Hy begin besef dat dit 'n vreeslike ding is om in die hande van die lewende God te val (Heb. 10 : 31). Hy het gehoop om op 'n meer geleë tyd sy saak met God reg te maak.

In plaas van woorde van troos en die genade van God op sy sterfbed te hoor moet hierdie sterwende sondaar wat die genade en liefde van God in sy lewe verontagsaam en verwerp het, nou die woorde van sy Regter en nie sy Heiland nie, hoor: **"Gaan weg van My af julle vervloektes in die ewige vuur wat berei is vir die duiwel en sy engele"** (Matt. 25 : 41).

Dit is vir die mens bestem "om eenmaal te sterwe en daarna die oordeel." (Heb. 9 : 27).



DIE OORWINNAAR SE HART

Hierdie prent is die voorstelling van 'n Christen wat volhard het te midde van vurige aanvalle en versoekings.

Hoewel hy van alle kante verlei word, bly hy standvastig en volhard tot die einde toe, en is derhalwe "meer as oorwinnaar deur Christus Jesus." Hy het nie alleen die Christelike wedloop begin nie, maar hou die pas vol, en loop met geduld, sonder om na links of regs af te wyk, "die oog gevestig op Jesus, die Leidsman en Voleinder van die geloof" (Heb. 12 : 1,2).

Hy onthou die woorde van die Here Jesus: "Salig is julle wanneer die mense julle beledig en vervolg en valslik allerhande kwaad teen julle spreek om my ontwil. Verbly en verheug julle, omdat julle loon groot is in die hemele" (Matt. 5 : 11,12).

Hy is bereid om sy God te ontmoet en is soos 'n boom wat by waters geplant is, wat vrugte voortbring op sy tyd; soos 'n loot van die ware wynstok wat baie vrugte voortbring. Vrees vir die dood ken hy nie, vandat die volmaakte liefde van God deur die volheid van die Heilige Gees in sy hart uitgestort is.



DIE GLORIERYKE HEENGAAN

Die Here Jesus het gesê: "Ek is die opstanding en die lewe; wie in my glo, sal lewe al het hy ook gesterwe. En elkeen wat lewe en in My glo, sal nooit sterwe tot in ewigheid nie" (Joh. 11 : 25, 26).

Wie My Woord hoor en Hom glo wat My gestuur het, het die ewige lewe en kom nie in die oordeel nie, maar het oorgegaan uit die dood in die lewe" (Joh. 5 : 24). Die dood hou geen vrees of pyniging vir die Christen in nie. "Die dood is verslind in die oorwinning. Dood, waar is jou angel? Doderyk, waar is jou oorwinning? Maar God sy dank, wat ons die oorwinning gee deur onse Here Jesus Christus" (1 Kor. 15 : 54 - 57).

'n Persoon wat saam met God gelewe en gewandel het, is nie bang vir die dood nie. Wanneer die tyd aanbreek dat hy moet gaan, gaan hy blymoediglik, soos die apostel Paulus dit stel: "Ek het verlanget om heen te gaan en met Christus te wees, want dit is verreweg die beste" (Fil. 1 : 23).

"En ek het 'n stem uit die hemel vir my hoor sê: Skryf - salig is van nou af die dode wat in die Here sterwe. Ja, sê die Gees, sodat hulle kan rus van hul arbeid, en hulle werk volg met hulle" (Openb. 14 : 13).

“Want Sy oë is op die weë van die mens en Hy sien al sy voetstappe. Daar is geen duisternis en daar is geen diepe donkerheid waar die werkers van ongeregtheid hulle in kan wegsteek nie” (Job 34 : 21, 22).

“Onderwerp julle dan aan God; weerstaan die duiwel, en hy sal van julle wegvlug. Nader tot God, en Hy sal tot julle nader.” Jakobus 4:7-8a

“Want so lief het God die wêreld gehad, dat Hy sy eniggebore Seun gegee het, sodat elkeen wat in Hom glo, nie verlore mag gaan nie, maar die ewige lewe kan hê. Johannes 3:16

GEBED

My Vader in die hemel, ek is werklik jammer oor die sondes in my hart. Ek vra dat U lig in my hart sal skyn en so al die slegte dinge wat my lewe verwoes sal wegneem.

Gee my asb. 'n nuwe hart en vul my met U teenwoordigheid.


Help my asb. om 'n lewe te leef wat U sal bly maak en wat my sal help om die persoon te wees wat ek behoort te wees.

Ek vra dit in die Naam van Jesus.

AMEN

“Welgeluksalig is hy wie se oortreding vergewe, wie se sonde bedek is.” Ps. 32:1b

Verskillende diere word gebruik om ons aan verskillende sondes te herinner.



Hoewel die skoonheid van **die pou** deur almal bewonder word, praat dit hier in die mens se hart van die sonde van hoogmoed.



Die Bokram stel vleeslike wellus, onsedelikheid, owerspel en hoerery voor.



Die vark praat van die sonde van dronkenskap en vraatsugtigheid. Dit is 'n vuil dier wat alles verslind wat voorkom, rein of onrein, en op dieselfde manier absorbeer 'n onrein hart onrein suggesties, onrein uitdrukkings, onrein prente, onrein leesstof en wat nie al nie.



Die skilpad is 'n teken van traagheid, uitstel en toordery. “Die begeerte van die lui aard sal hom doodmaak, want sy hande weier om te werk; die hele dag deur word daar dringend begeer, maar die regverdige gee en hou nie terug nie” (Spreuke 21 : 25, 26).



Die Luiperd is 'n baie kwaadaardige en wrede dier. Haat, boosheid en 'n slegte humeur regeer dikwels 'n man se hart en lei selfs soms tot moord. “Wees nie haastig in jou gees om jou te vererg nie, want ergernis rus in die boesem van die dwase” (Prediker 7 : 9).



Die slang stel die duiwel voor, baie bedrieglik, slinks en 'n misleier, en doen alles moontlik om ons verhouding met God te vernietig.



Die Padda lewe van grond en praat hier van die sondes van gulsigheid, liefde vir geld wat die wortel van alle kwaad is. (1 Tim. 6 : 10).
Sekere soorte paddas in die Kongo is bekend daarvoor dat hulle miere by die honderde eet, totdat hulle uitmekaar bars.



Satan, die vader van alle leuenaars, is hier die opstoker van die verskillende sondes, want hy regeer die hart.



Die Ster praat van die gewete in die hart van elke mens. Die gewete is selfs in die slegte hart teenwoordig, maar word geïgnoreer en kan die persoon nie help nie.



Die Oog van God sien alles wat in die hart omgaan. Niks is verborge voor Sy vlamme oog nie, en daarom ken Hy selfs die geheime gedagtes en bedoelinge van die hart. (Die oog in hierdie prente, stem ook ooreen met die uitdrukking op die man se gesig).



Die Klein Tongetjies van Vuur om die hart stel die liefde van God voor wat die sondige hart omring. Al haat God die sonde, het Hy die mens lief, en het Hy geen behae in die dood van 'n sondaar nie, maar verlang eerder dat die sondaar met berou na Hom moet kom en lewe. Die Here Jesus het gekom om sondaars salig te maak. Groot is die vreugde in die hemel oor een sondaar wat tot bekering gekom het. Die tongetjies praat ook van die bloed van Jesus Christus, "die Lam van God wat die sonde van die wêreld wegneem".



Die Engel stel die Woord van God voor. Die Here wil praat met die misleide, sondebelaaide man of vrou, sodat hy of sy berou oor sonde mag hê en die lig en die liefde van God in die hart en lewe kan inlaat.



Die Duif is 'n teken van die Heilige Gees, die Gees van waarheid wat oortuig van sonde en geregtigheid en oordeel.

Die volledige boekies, "DIE MENS SE HART" wat uit ongeveer 50 bladsye bestaan, kan in enige van die 481 tale wat reeds beskikbaar is met behulp van die volgende skakel afgelaai word:

www.angp-hb.co.za